



Crna Gora  
Ministarstvo vanjskih poslova  
Generalni direktorat za bilateralne poslove

Adresa: Stanka Dragojevića 2  
81000 Podgorica, Crna Gora  
tel: +382 416 349  
fax: +382 20 225 702  
[www.gov.me/mvp](http://www.gov.me/mvp)

Br: 3/3-900/25-1316

11. april 2025.

## PRIJEDLOG

### PLATFORMA

za zvaničnu posjetu potpredsjednika Vlade i ministra vanjskih poslova Crne Gore mr **Ervina Ibrahimovića** Ujedinjenom Kraljevstvu Velike Britanije i Sjeverne Irske, 22. aprila 2025.

### OPŠTE INFORMACIJE

Potpredsjednik Vlade i ministar vanjskih poslova mr **Ervin Ibrahimović** će boraviti u zvaničnoj posjeti Ujedinjenom Kraljevstvu 22. aprila 2025.

Crna Gora i Ujedinjeno Kraljevstvo grade sadržajno prijateljstvo na bilateralnom planu i savezničku saradnju u okviru NATO-a, a za našu zemlju je posebno značajan doprinos britanskih partnera u implementaciji demokratskih i strukturnih reformi.

Ministar će se tokom posjete sastati sa ministrom vanjskih poslova, Komonvelta i razvoja **Devidom Lamijem** i ministrom za Evropu, Sjevernu Ameriku i prekomorske teritorije **Stivenom Dautijem**.

Evroatlantsko savezništvo predstavlja ključnu dimenziju za razvoj bilateralne saradnje na svim nivoima. Imajući u vidu navedeno, političko razumijevanje i dosadašnja saradnja će biti krunisana potpisivanjem *Zajedničke deklaracije o strateškom partnerstvu između Ujedinjenog Kraljevstva Velike Britanije i Sjeverne Irske i Crne Gore* tokom posjete.

### ZNAČAJ POSJETE

*Posjeta potpredsjednika Vlade ministra vanjskih poslova mr **Ervina Ibrahimovića** Ujedinjenom Kraljevstvu predstavljaće priliku za potvrdu već odličnih odnosa dvije države, a pokazaće i spremnost za nastavkom i unaprjeđenjem saradnje u oblastima od zajedničkog interesa.*

*Ujedinjeno Kraljevstvo je saveznik i prijatelj Crne Gore u okviru NATO-a, te će posjeta biti dodatna prilika da se ukaže na značaj podrške u realizaciji vanjskopolitičkih prioriteta.*

*S obzirom na to da zvanični London aktivno podržava vanjskopolitički kurs Crne Gore, susret sa visokim britanskim zvaničnicima će biti još jedna prilika da se konkretizuju aktivnosti za unaprijeđenje saradnje, a biće potpisana i Zajednička deklaracija o strateškom partnerstvu između Ujedinjenog Kraljevstva Velike Britanije i Sjeverne Irske i Crne Gore.*

### **SASTAV DELEGACIJE**

U delegaciji, koju će predvoditi potpredsjednik Vlade i ministar vanjskih poslova Crne Gore mr Ervin Ibrahimović, će biti:

- ✓ Nataša Jovović, otpravnica poslova a.i. u Ambasadi Crne Gore u Londonu;
- ✓ Adis Pepić, generalni sekretar Ministarstva vanjskih poslova i
- ✓ Mirela Tuzović, šefica Biroa za odnose sa javnošću.

Troškove članova delegacije prilikom posjete Ujedinjenom Kraljevstvu Velike Britanije i Sjeverne Irske snosiće Ministarstvo vanjskih poslova.